

**Н. Темур<sup>1</sup>, А. Алдаш<sup>2\*</sup>**

<sup>1</sup>Гази университеті, Түркія, Анкара қ.

<sup>2</sup>А. Байтұрсынұлы атындағы Тіл білімі институты, Қазақстан, Алматы қ.

\*e-mail: aimank51@mail.ru

## **ОРФОГРАФИЯЛЫҚ СӨЗДІК: ЛЕКСИКОГРАФИЯЛЫҚ ПРИНЦИПТЕР ЖӘНЕ ОРТОЛОГИЯЛЫҚ ТАЛДАУДЫҢ МЕЖЕЛЕРІ**

Дербес лингвистикалық ғылым ретіндегі ортология тіл мәдениеті және тілдік норма салаларының аспектілерімен тығыз байланыста екендігі белгілі. Тіл мәдениетінің деңгейін көтеру және қазіргі ауызша және жазба коммуникацияда базалық норманың сақталуын жоғары деңгейде ұстау үшін ортологиялық құралдардың, оның ішінде емле сөздігінің рөлі маңызды. Емле сөздігі тілдің диахронды-синхронды жағдайының, тұтастай алғанда, қоғамның дамуы мен эволюциясының көрсеткіші болып табылады. Осы себепті дамыған елдерде емле сөздігі толықтырулар мен өзгерістер енгізілу арқылы жиі жарық көреді. Қазақ тілінің қазіргі дамуын перспективалы деп атап керек, өйткені тілдік жағдаятты өзгеретін, нормаландыруға, стандарттауға, жаңғыртуға бағытталған қарқынды жұмыстар жүргізілуде. Қазақ тілінің үлкен орфографиялық сөздігінің жаңа басылымы әзірленуде, ол алдыңғы басылымдардан лексикографиялық принциптердің жетілдірілгендейтін арқылы айрықшаланады.

Мақалада негізгі лексикографиялық принциптер (лексемалардың іріктелуі, жарыспалы қатарлардың орналасуы, грамматикалық ақпарат, мағыналарды түсіндіру үшін қолданылған графемалар мен шартты таңбалар, тыныс белгілері және т.б.), сондай-ақ жекелеген тілдік бірліктердің норма екендігін және қалыптанғанын сипаттау мақсатында ортологиялық талдау жүргізіледі.

**Түйін сөздер:** емле сөздігі, нормативтік меже, қолданыс жиілігі межесі, жүйелілік принципі, ғылыми меже, негізгі сөз, сөздің үясы, белгісөз.

N. Temur<sup>1</sup>, A. Aldash<sup>2\*</sup>

<sup>1</sup>Gazi University, Turkey, Ankara

<sup>2</sup>A. Baitursynov Institute of Linguistics, Kazakhstan, Almaty

\*e-mail: aimank51@mail.ru

### **Spelling dictionary: lexicographic principles and parameters of orthological analysis**

As you know, orthology as an independent linguistic science is closely related to aspects of speech culture and linguistic norms. In improving the linguistic culture of society and achieving a high level of preservation of the basic linguistic norm in modern oral and written communication, orthological means, especially the spelling dictionary, are of particular importance. The spelling dictionary is an indicator of the diachronous-synchronous state of the language in particular, the evolution and development of society, in general. Therefore, in developed countries, a spelling dictionary with additions, changes is often released. At the current stage of the development of the Kazakh language, which is considered promising, aimed at changing the language situation, intensive work is being carried out to normalize, standardize and modernize the Kazakh language. The next edition of the Large Spelling Dictionary of the Kazakh Language is being prepared for release, in which the lexicographic principles are improved.

The article discusses the basic lexicographic principles (selection of lexemes, supply of variant words, grammatical information, the use of graphemes, symbols, punctuation to clarify meanings, etc.), as well as in order to characterize the normalization and codification of individual lexical units, orthological analysis is carried out.

**Key words:** spelling dictionary, principle of normativity, principle of frequency of use, principle of system description, main register, internal register, litter.

Н. Темур<sup>1</sup>, А. Алдаш<sup>2\*</sup>

<sup>1</sup>Университет Гази, Турция, г. Анкара

<sup>2</sup>Институт языкоznания имени А. Байтурсынова, Казахстан, г. Алматы

\*e-mail: aimank51@mail.ru

## Орфографический словарь: лексикографические принципы и параметры ортологического анализа

Как известно, ортология как самостоятельная лингвистическая наука тесно связана с аспектами культуры речи и языковой нормы. В повышении языковой культуры общества и достижении высокого уровня сохранения базовой языковой нормы в современной устной и письменной коммуникации особую важность имеют ортологические средства, особенно орфографический словарь. Орфографический словарь является показателем диахронно-синхронного состояния языка в частности, эволюции и развития общества в целом. Поэтому в развитых странах орфографический словарь с дополнениями, изменениями выпускается часто. На сегодняшнем этапе развития казахского языка, который считается перспективным, направленным на изменение языковой ситуации, проводится интенсивная работа по нормализации, стандартизации и модернизации казахского языка. Готовится к выпуску очередное издание Большого орфографического словаря казахского языка, в котором усовершенствованы лексикографические принципы.

В статье рассматриваются основные лексикографические принципы (отбор лексем, подача вариантов слов, грамматические сведения, применение графем, условных обозначений, знаки пунктуации для разъяснения значений и др.), а также в целях характеризации нормированности и кодифицированности отдельных лексических единиц проводится ортологический анализ.

**Ключевые слова:** орфографический словарь, принцип нормативности, принцип частоты употребления, принцип системного описания, основной реестр, внутренний реестр, помета.

### Кіріспе

Әлемдік лингвистикада лексикография саласына арналған еңбектер соншалықты мол. Зерттеулерді атамағанның өзінде, теориялық және практикалық мәселелерді анықтаған Л.В. Щерба сөздіктің 60-тан астам түрін, типін санамалаган. Ал лингвист мамандар осы түрлердің, типтердің әрқайсысын зерттеу нысанасы еткен, сейтіп, жарық көрген сөздік материалдарына сүйене отырып, лексикографияғылымының негізгі дерлік мәселелері бойыншағы да, практикалық та мәні зор тұжырымдар қалыптастырыған. Лексикографиянудың мәнжайына, зерттеулерді сараптауға егжей-тегжейлі тоқталуды мүдде тұттаймыз. Дегенмен мәселеге қатысты жалпы мағлұмат беру мақсатында, әлемдік, оның ішінде орыс лингвистикасындағы сөздіктер түзу тәжірибесінен жинақталған кейір мәселелерге шолу жасауды қажет деп табамыз.

Біріншіден, шетелдік ғалымдардың сөздіктердің типтерін анықтауда көзқарастары әртүрлі, әрі зерттеулер көбейген сайын терендей түсken, сөздіктің әр типіне тәn жіктемелік (классификация, дифференциация) айырым белгілер ажыратыла түсken көзқарастар жетерлік. Мәселен, В.В. Морковкин сөздіктердің типологиясын сөздік түзу алдында «негізdemесі», «негіzdemесі қалай болуы керек», «негіzdemесі

кімге арналған» деген принциптерді анықтау керектігіне баса назар аудартса (Морковкин, 1994: 13-23), В.М. Лейчик лексикографиялық белгінің ең маңыздысы ретінде сөздіктің мақсатын анықтау керектігін айтады, ғалымның пікірінше: а) біr тілдін тілдік бірліктерін тіркеу; ә) нормасын белгілеу; б) ғылыми-көпшілік мазмұнда баяндау; в) оқу-ағарту бағытына арнау; г) тек акпарат беретін, яғни біr тілдегі сөздің барлығын жинақтап, жүйелеу (мысалы, терминжүйесін) мақсаты анықталғандаға сөздіктің негізdemесі дұрыс болады (Лейчик, 1988: 45).

Екіншіден, әлемдік зерттеулерде жүйелі лексикография, сөздіктердің типологиясын жүйелеу, оларды жеке-жеке талдау арқылы осы саланың негізгі мәселелерін анықтау жақсы жолға қойылған. Сөздіктердің әртүрлі типтерінде лексикалық материал қалай беріледі, мағыналарды анықтау жолдары, сөздіктің негізгі реестрі мен ішкі ұсының құрылымы, графемалармен, таңбалармен ресімделуі және басқа да көптеген ерекшеліктер жете талданған. Жалпы, орыс тіл білімінде бұл мәселелер Ю.Д. Апресянның еңбектеріне негізделеді, ол «лексикографиялық тип» терминін енгізе отырып, сөздіктің әр түріне алынатын тілдік бірлік – лексема негізгі реестрге алынған жағдайда оның жанына орналасатын грамматикалық

түрленімдердің, сөздің мағынасын ашатын семантикалық, прагматикалық, коммуникативтік тіркесімдердің, фразалық тіркестердің, кей типтер үшін сөздің орфоэпиясын жүйелеудің үлгісін қалыптастыруды (Апресян, 1995: 389).

### Әдебиетке шолу

Әлем тілдеріндегі зерттеулерде Үлкен Оксфорд сөздігі (Oxford English Dictionary) айрықша лексикографиялық еңбек деп саналады. Ұлайша бағалау сөздіктің құрылымдық ерекшелігіне байланысты. Оксфорд сөздігінде әр сөздің пайда болған мерзімі, тарихы көрсетіледі, дәлелдемелер дәйексөз, иллюстрация арқылы беріледі. Сөздік, басқа құрылымдық жағын атамаганның өзінде, ағылышын тілінің барлық сөзінің алғашқы қолданысын тіркеу, әр сөздің тарихи дамуын, түптөркінің қадағалау, әр сөздің түрлі вариациясын жинақтау, қоғам дамуына байланысты сөздердің мағыналық өзгерістерін, айтылуын көрсету, осы арқылы зерттеушіге де, пайдаланушыға да жан-жақты көмек беретін ресурс екендігімен де аса құнды деп бағаланады (Oxford English Dictionary, 2020). Сөздік үдайы жетілдіріліп, жыл аралата жарияланып тұрады.

Қазақ тіл біліміндегі қазақ лексикографиясының жайы жөніндегі маңызды және кешенді еңбек – профессор М. Малбақовтың зерттеуі. Фалым өткен ғасырдың орта тұсындағы Ш. Сарыбаев, К. Аханов, Ә. Қайдаров сынды көрнекті ғалымдардың барлық пікірлерін жинақтай келе, қазақ лексикографиясының теориялық және практикалық мәселелерін қорытатын ғылыми тұжырымдар жасаудың өзектілігін анық көрсетті (Малбақов, 2003: 5). Рас, профессор М. Малбақов көрсеткенідей, сонау 1945 жылдан бастап түсіндірме сөздіктің нұсқаулықтарының бірнеше үлгілері жасалған. Осы еңбектердің негізінде 1945, 1953–1986 жылдар аралығында жарық көрғен бір томдық, екі томдық, он томдық түсіндірме сөздіктердің құрылымы мен құрамының реттелуіне үлес қости. Түсіндірме сөздіктің кейінгі басылымы – 15 томдық «Қазақ әдеби тілі сөздігі» сөз байлығын саралаудың негіздерін анықтауы жағынан ерекшеленеді (Қазақ әдеби тілінің түсіндірме сөздігі, 2011, Т.1.).

Қазақ лексикографиясының теориялық мәселелеріне байланысты профессор М. Малбақовтың қазақ тілі түсіндірме сөздіктерінің түзілу тарихынан бастап кейінгі кезеңдерге дейінгі, әлі де қарастырылуы қажет делінетін проблемалар анықталған кешенді зерттеуіндегі

біртілді түсіндірме сөздіктің құрылымы мен сипатына қатысты әрі біздің нысанамызға сәйкес түсетін бірнеше мәселелерді атап өтеміз, еңбекте: а) лексикографиядагы норма және нормативтілік, узус мәселелеріне байланысты көзқарастар сараланған; ә) түсіндірме сөздікке енгізілетін жекелеген сөз топтарын (жергілікті тіл ерекшеліктері, кәсіби лексика, көнерген сөздер, тілдегі жаңалықтар, кітаби, кірме лексика, ғылыми терминология, ауызекі сөйлеу тілі элементтері, сөздің жарыспалы тұлғалары, фразеологизмдер, туынды, көмекші және құрделі сөздер, жалқы есімдер) лексикографиялаудың жолдары, әдіс-тәсілдері нақтыланған; б) сөздік бірліктерге түсіндірме жасаудың тәсілдері жүйеленген; в) сөздік бірліктерге түсіндірме жасаудың қосалқы амалдары айқындалған; г) қазақ тілі түсіндірме сөздіктерін әмбебаптандырудың жолдары белгіленген (Малбақов, 2003: 10).

Шағын аппарат түріндегі шолу арқылы екі мәселе анықталады, оның бірі – лексикография – зерттеу пәні, нысанасы, өзіне тән ғылыми принциптері мен әдіснамасы қалыптастан және теориялық проблемалары жағынан зерттеле түсетін, тіл туралы ғылымның бір саласы екендігі.

Екіншісі, біздің нысанамыз үшін маңыздысы – барлық зерттеулерде дерлік нысана, талдау ретінде түсіндірме сөздік негізге алынады. Фалым В.В. Гак «түсіндірме сөздік – сөздіктердің шыны, ол – сөздіктердің барлық типтерінің түзілуінің негізі» (Гак, 1987: 16), сондай-ақ тағы бір енбегінде «создание толкового словаря – свидетельство «совершеннолетия» данного языка и лингвистической зрелости общества» деген пікірлерін қалдырды (Гак, 1977: 13).

Сөз жоқ, әсіресе біртілді түсіндірме сөздік – белгілі бір ұлт тілінің даму, қалыптасу кезеңдерін, сөз байлығын, тіл жүйесіндегі өзгерістерді таныттын кемел сөздік, сөздіктердің беделді типі. Түсіндірме сөздік сөздіктердің басқа түрлерінің жасалуына, тілдік бірліктердің іріктелуіне әлеуетті тірек бола алады.

Зерттеулерге шолу барысында тағы бір на зар аудартқаны – негізінен түсіндірме сөздік талданатындықтан болар, сөздіктің құрылымы мен принциптерін анықтауда сөздің семантикасын дәлдеу ұстанымы бірінші қатарда болады да, сөздің нормативтілігі айттылмайды немесе принциптердің жүйеленуінде кейінгі қатарда тұрады.

Корыта айтқанда, әлемдік лингвистикада Емле сөздігінің жалпы сипаттамасы, құрылымы

мы мен сөздік түзудің принциптері жеке қарастырылмаған.

Түркітануда Л. Хусаинованаң «Башқұрт тіліндегі орфографиялық сөздік түзудің принциптері» деген еңбегін атауға болады (Хусаинова, 2017). Алайда түркітануші ғалым негізгі мәселеден ғөрі башқұрт тіліндегі емле сөздігін түзудің тарихына ғана назар аударған. Қырғыз тілі бойынша еңбекте негізінен жазудағы қателіктер, әсіресе сөздің айтылуының жазуға түсінен болатын, сондай-ақ бірге және бөлек жазыллатын сөздердегі, бас әріптің, тыныс белгілерінің қолданысындағы қателіктер, стилдік ауытқулар ғана сөз болады (Сагынбаева, 2015).

Қазақ мәдениетінде Емле сөздігі жөніндегі пікірлер мен ұсыныстардың негізінен жекелеген тілдік бірліктердің жазылуына байланысты екендігі байқалады. Сонымен қатар қазақ тілінің Емле сөздігі басқа тілдердегі нормативті сөздіктерден құрамы мен құрамы жағынан ерекшеленеді. Еуропалық тілдермен салыстыра қараганда, қазақ тілінің Емле сөздігі тіркелетін лексемалардың сипатымен де, практикалық мазмұнымен де өзгешелеу. Демек, тілдің қолданысы мен орамдылығын танытатын әрбір ұлт тілінің өз табиғи зандылықтарына және тілге деген ұрындықтарына қарағай әр тілдің Емле сөздігінің құрамы мен құрылымында, материалдардың түзілуде айырым белгілер болады. Бұлар жөнінде ғылыми-практикалық көзқарас білдіру, ұсыныстар айту қазақ лексикографиясы саласының дамуына үлес қосары сөзсіз.

## Материалдар және әдістер

*Емлесөздігінің құрамы. Ұстанымдар және межелер. Ортологиялық құралдардың маңызды түрінің бірі – Емле сөздігі (Орфографиялық сөздік).*

Ен алдымен Емле сөздігі дегеніміз не деген сұраққа жауап іздестіріп көрелік.

Бір қараганда, сырт көзге Емле сөздігі құрастырушының (құрастырушылардың) тарапынан тілдегі лексикалық бірліктерді жинақтап, олардың жазылуының дұрыс нормасын көрсету, белгілеу тәрізді болып көрінуі, негізінен қолданбалы, практикалық бағыттағы жұмыс түрі ретінде танылуы әбден түсінікті. Дегенмен тереңдей түссек, Сөздік жасау дайын тілдік бірліктердің басын біріктіру емес, Сөздік құрастыру – ғылыми негіздерге сүйенетін, тіпті шығармашылықты талап ететін айрықша жұмыс түрі. Емле сөздігін түзу тілді айрықша

сезінуді, сөздің семантикасын жетік білуді, құрастырушының тіл туралы базалық білімінің болуын, ел мен ұлттың кешегі-бұғінгі тарихынан кем дегенде хабардар болуын, тіл қолданысына ықпал жасаған және жасап келе жатқан қогами, әлеуметтік-мәдени өзгерістерді деркезінде саралай алатын зиятты қабілеттің (интелектісінің) болуын қажет етеді. Емле сөздігін түзу кешенді сипатқа ие; бұл жұмыстың сапалы атқарылуы үшін ең бастысы – тіл мен мәдениетті тығыз сабактастыра отырып, тіл дамуының белгілі бір кезеңіне тән, тілді пайдаланушылардың тәжірибесі арқылы жинақталған фактілерді сұрыптап, моделдерін қалыптастырып, нормасын ұсыну.

Лексикографиялық еңбектің бір түрі – Емле сөздігінің міндетті ретінде төмендегілерді атауга болады:

- тіл дамуының белгілі бір кезеңіндегі әдеби тіл құрамындағы жеке сөздердің, олардың акустика мен перцепциядан айырмаланатын сипатының, айтылу мен жазу арасындағы өзгерістерді ажырататын түрленімдердің нормалық қалпын белгілеу, жазба тілдің ережелерін бекіту;

- жазба коммуникацияда қолданылатын, жазба коммуникацияға керекті сөздердің тізбесін толық қамту;

- әдеби тілде қолданылу жиілігі жоғары, нормалана бастаған, стилдік тармақтарда қолданылатын жаңа сөздердің, көнерген сөздердің, жергілікті тіл ерекшеліктерінің, кәсіби сөздердің және ғылым мен техникаға, оқу-ағартуға, саясатқа, қоғамдық-мәдени салаларға қатысты кірме сөздердің бір тобын енгізу арқылы тіл дамуындағы өзгерістерді таныту;

- сөзтізбе құрамына енетін тілдік бірліктерді лингвистикалық білімдер түрғысынан жүйелеу.

Шетел ғалымы Ю. Апресянның пікірі бойынша «Современный словарь – это моментальный снимок вечно обновляющегося и находящегося в движении языка. В нём диалектически взаимодействуют статика и динамика языка, синхрония и диахрония» (Апресян, 1993: 8).

Емле сөздігінің жаңа басылымын түзуде алдыңғы тәжірибе барынша ескеріледі, сабактастық сақталады.

Қазақ нормативті лексикографиясының тарихы XX ғасыр басындағы Алаш зиялышарының есімдерімен тығыз байланысты. 1940-ыншы және 1957-нші жылдары жарық көрген Емле сөздіктері әліпби ауысқан кезеңдегі тілдік бірліктерді жинақтап, жазу нормаларының алғашкы нұсқасын қалыптастыруды, еңбектер қалың жүртшылықтың сауаттылығына, жазу

дәстүрінің бекемденіп, тұтастай алғанда, тіл мәдениетінің көтерілуіне айтарлықтай ықпал жасады.

## Нәтижелер

Қазақ тілінің толық орфографиялық сөздігі 1963 жасалды, 1978 жылы толықтырылған, түзетілген екінші басылымы жарық көрді (әрі қарай – Сөздік-1).

Қазақ әдеби тілі сөздік құрамының көпшілікке ортақ нормалары жүйеленген Емле сөздігінің беделді нұсқасы – 1988 жылы академик Р. Сыздықтың басшылығымен жарияланған «Қазақ тілінің орфографиялық сөздігі» (Қазақ тілінің орфографиялық сөздігі, 1988). Беделді деугенегіз – Сөздіктүзу қолға алынғанға дейін қазақ лексикографиясының және тіл мәдениетінің, әдеби нормалардың ғылыми-әдіснамасы бойынша бірқатар теориялық тұжырымдар жасалды, екіншіден, Қазақ тілі орфографиясының негізгі ережелері (1983) бекітілді, ең бастысы – Сөздіктің құрылымы мен құрамын бір ізге келтіру ісіне қазақ ортологиясының көш басында тұрған академик Р. Сыздықтың өзі тікелей басшылық жасады. Осы негіздерге байланысты 1988-інші жылғы сөздіктің (әрі қарай – Сөздік-2) құрамын іріктеуде қатаң жүйелеу жүргізілді, Орфографиялық сөздіктің осы басылымындағы норма үлгілері қазақ тілінің заңдылықтарын жазуда сактаудың қатаң дерлік канон үлгілері деңгейінде болды.

Емле сөздігінің қазіргі қолданыстағы нұсқасы – Орфографиялық сөздіктің 2013 жылғы басылымы (әрі қарай – Сөздік-3).

Кейінгі жылдардағы сөздіктерді тұзу кезінде қазақ тіліне қатысты саяси, әлеуметтік, ұлттық сананың оянуы сияқты тұрткіжайттар әсер еткендіктен, сөздіктің құрамына қазақ тілінің бар байлығын енгізуге енеп басымдық берілген. Сондықтан да 2005, 2007, 2013-інші жылғы сөздіктерде сөз саны мен тіркестер біртіндеп молая түсken, қазақ тілінің мемлекеттік мәртебе алуына орай ұлттық тілдің ғылым мен техника тілі бола алатындығын, терминдік ұғымдарды бере алатындығын, өміршендігін дәлелдеу мүддесінде тілдің барлық дерлік әлеуетін қамтуы жағынан олардың өз құндылығы бар. Айта кетелік, Сөздік-3 түзілдерден бұрын 15 томдық Қазақ әдеби тілінің сөздігі жарық көрді, онда соңғы жылдары хатка түсken қазақ тілінің сөз байлығы айқын көрінді, бұл сөздік Сөздік-2 басылымына нормаланған тілдік фактілердің іріктелуіне сүйеніш болды. Мәселен, тек /

әрпі бойынша алғашқы сөздіктерде жоқ 50-ге жуық тілдік бірліктер енгізілген, ішкі реестрдің толықтырылуын есептемегендеге, олардың бір тобы жаңа сөз / жаңа терминдер болса, екіншілері кәсіби лексика және көнерген сөздер мен этноаталар; олардың бірқатары ретінде төмөндегідерді көрсетуге болады: *багам, бағақорсеткі, бағалама* (эконом.), *бағатізбе, бағдарлама, бағдарғылауыш, байпас* (тех.), *бормашине* (мед.), бөдеге: *бөде үй* (этн.), *бөдеске* (қәс.), *бөжей* (қөне), *бөкей* (қөне), *брифинг, бройлер*.

Емле сөздігінің сөздіктердің басқа түрлерінен басты айырмашылығы – белгілі бір кезеңдегі лексикалық құрамын дұрыс жазылуын жинақтап көрсету, орфографиялық норманы белгілеу. Екіншіден, әлем тілдерінде әнциклопедиялық, түсіндірме немесе екітілді сөздіктерге қарағанда, Емле сөздігі жыл аралаты жиі жарық көреді. Өйткені жазу практикасында байқалған ерекшеліктер, пайда болған жаңа тілдік бірліктердің орфографиялануы нормативті еңбек арқылы реттеледі, бірізге түсіріледі. Емле сөздігінде жазылуында қындықтар бар тілдік бірліктермен қатар бірге және бөлек, дефис арқылы жазылатын сөздердің емлесі, сөздің айтылуы мен жазылуы арасындағы айырмашылықтар, фразалық тіркестердің кейір үлгілерінің емлесі топтастырылады. Әдеби тілге ене бастаған ұғымдар мен түсініктілерді, заттар мен бұйымдардың атауларын беруге әлеуетті мүмкіндігін танытып, жазу практикасында жұмсалған бастаған, нормалануға «ұмытылыс» жасаған жергілікті тіл ерекшеліктері мен кәсіби лексика, ғылымның түрлі салаларына қатысты терминдер мен термин тіркестердің бір тобы, емлесін нақты көрсетуді қажет ететін ономастикалық, топонимикалық атаулардың үлгілері енгізіледі.

Нақтылай түссеқ, басқа тілдегі нормативтік сөздіктермен салыстырғанда, қазақ тілі Емле сөздігінің құрамы өзгеше, құрылымында да айырмашылықтар бар. Қазақ тілінің Емле сөздігі жеке лексемаларды (М. Малбақов «сөздіктің бірліктері» терминін қолданған) тіркеумен шектелмейді. Қазіргі қолданыстағы Емле сөздігі арқылы лингвомәдени ұғымдар, сөздің түптөркінін анықтау мүмкіндіктері, сөздің синтаксистік байланысқа тұсу қабілеті (валенттілік), тіркесімділік, сөздің функционалдық қабілеті, прагматикалық қуаты, грамматикалық сипаттама (сөзтудырушы және сөзтүрлендіруші формалар), фонетикалық сипаттама (дыбыстардың жылдысуы, қосылуы), омонимия, көпмағыналылық туралы мол мәлімет алуға бо-

лады. Бұл аталғандар және басқа да ерекшеліктер қазақ тілінің нормативтік сөздігінде басқаша жүйемен беріледі, бір жағынан түсіндірме сөздіктің параметрлеріне ұқсас келетін тұстары да болады. Осы жағынан қазақ тілінің Емле сөздігі тілдік бірліктерді тізбелеп берумен, норманы белгілеумен шектелетін басқа тілдердегі лексикографиялық типтерден айырмаланады. Сонымен қатар Емле сөздігінің осындағы құрылымы мен құрамы сөздіктің осы түрінің барлық сипатын жүйелеуді, біріздендіруді қажет етеді.

Шын мәнінде Емле сөздігі Ю.Д. Апресян айтқандай, «тілді пайдалануышының практикалық мұқтаждын өтеу үшін немесе тілді теориялық тұрғыдан сипаттау үшін ғана қажет емес, сонымен қатар ол тілдің теориялық ғимаратын тұрғызатын өнім болып табылады» (Морковкин, 1994: 13-23). Бұл бағалау түсіндірме сөздікке қатысты айтылғанымен, Емле сөздігінің жүктемесі де түсіндірме сөздікке барабар.

Емле сөздігінің тағы бір ерекшелігі ретінде сөздік арқылы әдеби тіл құрамының толығуы, бауы жөнінде мәлімет жинақталатынын атауға болады.

Сөздік-2 басылымында, мәселен, 49 000 сөз және 9000 сөз тіркесі тіркелгендей анық көрсетілген, ал Сөздік-3 құрамы бұл көрсеткіштен анағұрлым молайған.

Емле сөздігін ұйымдастыруыш құрылым үш бөлікке таралады: негізгі сөз (негізгі реестр), ішкі реестр және белгісөз (помета).

Тұптөркіні араб-парсы тілдеріне барып тірелетін «лұғат» сөзі бірнеше мағынага ие: тіл, сөз, сөйлеу және сөздік. 15 томдық түсіндірме сөздікте осылайша таратылған және «сөз» мағынасында А. Байтұрсынұлы, Ж. Аймаутов еңбектерінде жүмсалғаны жөнінде мәлімет жинақталған. Академик Р. Сыздық Емле сөздіктерінің алғашкы басылымдарында «ішкі реестр» дегеннің орнына «сөздің ұясы» терминін пайдаланған. Жүйелеу мақсатында баяндау бағысында шартты тұрде «негізгі / басты реестр» ұғымы үшін лұғатсөз, лұғатсөздің ұясы және «помета» термині үшін белгісөз атальымдары пайдаланылады.

Емле сөздігіне негіз болатын принциптер. Сөздік тілдің жүйесі лексикада ғана түйікталып қалмайтынын, лексикалық тілдік бірліктердің сипаты морфология, синтаксис, сөзжасам сияқты тіл қаттауларындағы категориялардың, топтардың коммуникативті-тілдік ерекшеліктерімен тығыз байланыста екендігін көрсетуі тиіс. Емле сөздігінің басты міндеті сөздердің дұрыс жазылуын көрсету десек, осы

мүддеде лексикографиялық интерпретация жасау үшін алдын ала ғылыми-практикалық талдау жан-жақты жүргізіледі, тілдің барлық қаттауларына тән белгілер анықталған ғылыми зерттеулердің қорытындылары, сөздікті жетілдірү турасында айтылған әрбір пікір-ұсыныс саралаудан өтеді, сөздікке енгізілген тілдік бірліктің орфограммасының норма екендігі дәлелденеді.

Қазіргі кезде Емле сөздігін жасауға жаңаша тұрғыдан қарau жөнінде көзқарастар айтыла бастады. Көзқарастарға негіз болып отырған жайттар – тілдің қолданысын тану, тілді танудың өзегі – тілді пайдалануышының санасы, мәдени-әлеуметтік деңгейі, рухани өмірі, ойлауы, бұл – мәселенің бір жағы болса, екінші жағы зерттеу жүргізілгенде де, лексикографиялық еңбектер жасағанда да тілді пайдалануышының менталды ерекшеліктері, коммуникацияға араласқан кездегі тілді білу деңгейі қандай, ұлт тарихында қалыптасқан тіл тәжірибесін қабылдауы мен игеруі қалайша көрініс табады деген тәрізді құрделі құбылыстарға байланысты. Осының нәтижесінде «тілдік тұлға» термині кең өріс алды. Ал сөздіктің құрамын іріктеуге келгенде, жүйелі-құрылымдық тұрғыдан талдау мен таным тұрғысынан қарастырудың айырым белгілерін салыстыра келе, шетел ғалымы Ю. Караполов «адам – тілдің ішінде, тіл – адамның ішінде» болуы керек деген тұжырым жасады (Караполов, 2010: 3). Жалпы алғанда, жеке адам тілді коммуникативтік қажеттілікке қарай үш мақсатта қолданады: байланыс орнату (контакт), ақпарат беру және әсер ету үшін. Бұл ретте тілді қолдану кезінде коммуникативтік, интерактивтік және перцептивтік (тілдің лексикалық-грамматикалық құрылымын жеке адамның өзі қаншалықты біледі және қалай сезінеді, ақпаратын қандай тілдік бірліктер арқылы жеткізеді, тілдік бірліктерді қалай ұйымдастырады) процестер жүреді. Бұдан алынған нәтижелер, яғни жеке адамның сөзқолданысының жиілігі бірте-бірте артып, тілдің жалпы белгісіне айналуы мүмкін. Бұндай жағдайлар, сөз жоқ, қалыпты, жүйелі құрылымға, тілдік бірліктердің емлесінің өзгеруіне ықпал жасайды. Лексикалық норма тұрғысынан да, емле жақтарынан да әлсіз позициялар немесе бейнорма болып танылып келген тілдік бірліктердің емле нормасы дәрежесінен көтерілу фактілері жиі кездеседі.

Осындаған жағдайларға байланысты Емле сөздігі тіл қолданысындағы сонылықтарды ескеруді және оны тілдің ішкі жүйесіне тән заңдылықтармен салыстырып толықтыруды, жетілдіруді қажет етеді, сөйтіп, жоғарыдай

айтқанымыздай, жиі жарық көреді, толықтыру мен жетілдірудің принциптерінің анықталу талбы туындаиды.

## Талқылаулар

Емле сөздігін түзуге негіз болатын принциптер:

- нормативтік меже;
- ақпараттық-стилдік меже;
- қолданыс жүйлігі межесі;
- тілдік бірліктердің біріздендері межесі немесе жүйелілік принципі;
- ғылыми меже.

*Нормативтік меже.* Орфографиялық сөздік жасауда басталар тұста басты назарға алынатын принцип – тілдік бірліктердің жазылуының нормасын көрсету, емле нормасын белгілеу.

Нормативтік межені анықтау ең алдымен графика, орфография, орфограмма үғымдарымен байланысты. Бұл мәселелер профессор Н. Уәлидің еңбектерінде тиянақталғандықтан (Уәли, 2020), қысқаша пікір ұсынамызы.

Графика (әріп) жазба тіл пайда болған кезде қалыптасады, өйткені әріп – жазудың аса қажетті «мұлкі». Орфография – тілдік бірліктердің бірізді жазылуын қамтамасыз ететін ережелер және осы туралы ғылым деген түсініктерді қамти-тындығын атамағанның өзінде, жазудың тарихи тұрғыдан қалыптасқан жүйесі. Жүйе қалыптаса түскен сайын жазудың негізгі принциптері (фонематикалық, фонетикалық, морфологиялық, дәстүрлі) екшеле түседі. Сөйтіп, жазу жетіле бастайды, дәл осы арада қоғам мүшелері жазу үлгілерінің бірізді, қалыптанған болуының қажеттілігін сезінеді, өйткені тілдік қарым-қатынаста жазба тілді тиімді, қолайлы жүмсауға мүдделілік, норма үғымы пайда болады.

Екіншіден, Емле сөздігінің нормативтік межесі лексикалық норма мен орфографиялық норма арасындағы байланысқа тікелей қатысты.

Лексикалық норманың табигаты академик Р. Сыздықтың еңбегінде толық ашылған. Фалым мәселені үш салаға бөліп таратады: а) жазба әдеби тілдік нормалар; ә) ауызекі сойлеу тілінің нормасы; б) сөздердің қолданыстағы нормасы (Сыздық, 2001: 114). Лексикалық норманы анықтау күрделі сипатқа ие. Өйткені лексикалық норманың анықталуы:

- сөздің тұра және ауыспалы мағынасын (сөз мағынасының денотатты және коннотатты компоненттерінің мағыналық айырмашылықтарын);

- сөздердің лексикалық-семантикалық тіркеусімділігінің қадағалануын және өзгеруін;
- қонерген сөздердің әдеби тіл құрамына енуін;
- жергілікті тіл ерекшеліктерінің үғымдар мен түсініктерді беруде актуалдануының себептерін;
- кәсіби лексиканың әдеби тіл айналымына енуін;
- жаңа қолданыстардың үғымдар мен түсініктерді беру үшін пайда болуы мен жасалуын;
- терминжасам мәселелерін;
- грамматикалық форманттардың қызметін;
- синоним, омоним, пароним категорияларының ерекшеліктерін танып-білуді қажет етеді.

Күрделі құбылыс болатынының тағы бір себебі лексикалық норманың қалыптасуының, орнығының өзі адамның, когам мүшелерінің когнитивті санаына, білім деңгейіне, қогамдағы тілдің орны мен рөліне, атқаратын қызметіне, жазба тіл мен ауызша сөздің өзара қарым-қатысы мен олардың коммуникативтік ортадағы арасалмагына, вариантылыққа байланысты.

Ал орфограмма үғымы түбір сөздердің құрамындағы, босаралықпен және қосаралықпен (профессор Н. Уәли ұсынған термин бірге және бөлек, дефис арқылы жазылатын сөздердің жалпы сипатын белгілеуге өте қолайлыш) жазылатындарды, бас әріп графемасының, қысқаған сөздердің, дауысты дыбыстардың қатар келуін немесе бірінің түсірілу (жұтылу) себептерін, басқа да емлесі екінші тілдік бірліктердің емлесін қамтиды.

Бұлардың барлығына да жазба коммуникацияның нұсқалары негіз болады. Қазіргі кезеңдегі жазба нұсқалардың қаншалықты тарамдалып кеткеніне тоқталмаса да болады. Басты назар аударалық тұс – жазба нұсқалардың қай-қайсысына да болсын, ауызекі сойлеу тілінің әсері айқын, басым. Әлеуметтік желілердегі жазба тілдің жаңа тілдік-стилдік сипатын, публицистикалық стилдің «стиларалық стил» деп бағалана бастағанын атамағанның өзінде, функционалдық тармақтардың негізгі түрлері де ауызша сөздің прагматикалық қуатын кеңінен пайдалана бастады. Мәселен, ғылыми ақпаратты беруде ғылыми-көпшілік стил түрі кеңінен таралып келеді. Баяндау тәсілі әрі ғылыми, әрі көпшілік мазмұнға көшкен кезде, сөз жоқ, субъектілік сөзқолданыс болмай қоймайды. Жазба тіл арқылы ақпарат беру орфографиялық нормаларға әсер етеді және орфографиялық норманың деңгейі арқылы танылады. Демек, Емле сөздігі үшін нормативтік меже – басты өлшем.

*Ақпараттық-стилдік меже.* Жалпы, орфограмма ұғымы жазылуында қындықтар бар деген ұғыммен үндеседі. Орфограммалық реттеу арқылы ең алдымен тілдегі мүмкін варианттар жинақталады. Ендеше, емлесі қындық көлтірмейтін тілдік бірліктер сөздікке енгізілімеуі керек деген тәрізді пікір туындауда мүмкін. Бірақ Емле сөздігі лексикографиялық еңбектің маңызы түрі, ұлттық кодтың көрсеткіші ретінде, тілдің диахронды-синхронды дамуынан ақпарат беретін, тиісті қагидалар мен дәстүрлі емлеге сәйкес фонетикалық, морфологиялық құрылымы жағынан проблемасы жоқ тілдік бірліктердің толыққанды тізбесін ұсынады. Әрине, бұл ретте іріктеу жұмысы болады. Айталық, *алақан, арман, тора, тарап, бап, сап, мемлекет, абырай, бауырсақ, қуырдақ, бидайық, қорытынды, құрылыш түптес сөздердің емлесінде тұрақтылық анық, әйтсе де форманттармен түрлену кезіндегі сөздің акустикасы мен перцепциясына қатысты өзгерістер (алақанға – алақанға емес; торабы – торапы емес; тарапы – тарабы емес; бабы – бапы емес; сабы және сапы; мемлекет емес; аброй емес; қортынды емес; бауырсақы емес) осындағы лексемалардың сөздікке енгізуін міндettейді.*

Әдеби тілдің құрамындағы тілдік бірліктердің мүмкіндігінше толық жиынтығы стилдік қолданыстарды іріктеуді қажет етеді. Лексикографияның тәжірибесінде стилдік ерекшелігі бар сөзге міндettі түрде белгісөз (помета) қойылады.

Сөздік-3-те «стил» деген белгісөзбен (пометамен) бір тілдік бірлік көрсетілген: *жын-сайтан, жын-сайтанға* (пометалар кейінрек талданады). Сөз ретінде айта кетелік, академик Р. Сыздық *шайтан* және *сайтан* сөздерінің денотат және коннотат мағыналарын ажыратып, соңғысында (*сайтан, сайтан алғыр, сайтан қызы*) экспрессивті мағына бар екенін өз еңбектерінде көрсетіп өтеді. Ақпараттық-стилдік межені топтастырып алушызыдағы себеп – функционалдық стилдердегі әдеби тілдің құрамына енетін, орфограммасын да, нормалануын да белгілеу қажет болатын тілдік бірліктердің әдеби тілдің толығу процестеріне қатысын, іріктелу жолдарын анықтау.

Емле сөздігіне ғылым мен техника салаларына қатысты терминдер мен термин тіркестер енгізіледі. Бірақ Емле сөздігі терминдер сөздігінің көшірмесі емес. Термин жүйесі тарөристі терминдерге және кең қолданыстағы терминдерге жіктелетіндігі белгілі. Емле сөздігі тар аядағы терминдердің баршасын бірдей лұғатсөз қатарына қосуды міндет етпейді. Ал

кең қолданыстағы терминдер дегеніміздің өзі шартты бөлініс болып табылады, олар публицистикалық стилде, реєсми-іскери стилде, ауызша сөзде (академик Р. Сыздық осы термин арқылы шаршытоп алындағы реєсі сөз берін күнделікті ауызекі сөйлеу тілін бірге қарастьырған) жағары жиілікпен қолданыла алады. Осы топтағылар және ішінәра тарөристі терминдер, орфограммасын нақтылау қажет болған жағдайда, Емле сөздігінің басты реестрінде – лұғатсөзде тіркеледі және лингвистикалық сараптама, іріктеу жүзеге асырылады. Мәселен, терминдер сөздігінде *тұқым қуышылық* және *тұқымқуалаушылық* вариантыны берілген. Сараптама барысында тілдік бірліктің ұғымдық аппаратты бере алатын мағыналық сыйымдылығы, сондай-ақ дұрыс орфограммасы – бірге жазылуының негіздері дәлелденеді. Сөздік-2 және Сөздік-3 тізбесінде терминдердің көлемі жағынан айырмашылықтар бар, түптеп келгенде, Емле сөздігінде әр сала терминдерінің саны жағынан молая түсі ақпарат беру, әдеби тілдің баю жолдарын көрсету және орфограммасын нақтылау мүддесінен туындаған.

Емле сөздігінің келесі басылымдарында әсіресе тарөристі терминдердің жазылуы басты назарға алынатын болады, оның себебі графиканың латынша негізге ауысуына байланысты.

*Қолданыс жиілігі межесі. Ортологиялық талдау.* Емле сөздігінің кезекті басылымын әзірлеу барысында тілдік бірліктердің қолданыс жиілігін сарапқа салу маңызы рөл атқарады. Қазақ сөзінің жиі игерілетін арнасы да, орфограммадағы өзгерістерді де танытатын нұсқалар – жазба коммуникацияның түрлері. Соңғы жылдары жазба нұсқалардың түрлері, жанрлық тарамдалуы мейлінше көбейді. Жазармандардың көрсеткіші де сан түрлі: кәсіби мамандармен қатар қалың жүртшылықтың білімі, әлеуметтік ортасы әр деңгейдегі өкілдері қоғамдағы барлық мәселелерге пікір косу арқылы араласып келеді. Осы көрсеткіш қазақ сөзінің жазылуында еркіндіктер туғызды, сөйтіп, бірқатар тілдік бірліктердің емлесін дұрыс көрсетудің қажеттілігі туындағы. Бұл ретте Емле сөздігін түзушілердің алдында екі міндет болады: бірі – тарихи-дәстүрлі принцип негізінде жазу практикасында орнықсан, нормасы дәлелденген орфографиялық норманы қайырадан бекітіп, ұсыну, екіншісі – жазу практикасында байқалған әрбір фактіні сарапқа салу. Дамыған тілдерде тілдегі жалт еткен өзгерісті дереу жинап алып отыратын қызмет қалыптасқан. Соның өзінде

де Емле сөздігі тілдегі соны құбылыстарды тіркеуде кеш қалып отырады.

Орфограммасын реттеуді қажет ететін тілдік бірліктердің негізгісі, жоғарыда айтқанымыздай, тілдің ішкі жүйесіне тән заңдылықтарды басшылыққа алу. Дей түрганмен табиғи заңдылықтардың өзі тілдің даму жолдарында өзгеріп отыратыны белгілі. Тілдің қолданылу аясы кеңіген сайын өзгерістер тілдің жетілген сипатын танытады. Демек, тілдің ішкі, табиғи жүйесіне жаңалық әкелген өзгерістер – позитивті құбылыс, тілдің жетіле түскендігінің белгісі. Сол себепті бұл жайт зерделеуді қажет етеді. Бұл үшін тілдік бірліктердің қолданыс жиілігі сарапқа салынады. Бұл ретте ең алдымен тілдік тұлға деңгейіндегі, қазақ тілінен жетік, тілдің эксплицитті нормаларын білетін және мойындайтын жазармандар (жазушы, журналист, публицист, қазақ тілінде жоғары білімі бар мамандар және т.б.) қатысады, ресми ақпараттан бастап көркем очерк, көркем туындыға дейін жанрлардың түр-түрінен орын берілетін беделді жазба нұсқалардың (мәселен, «Егемен Қазақстан», «Қазақ әдебиеті», «Ана тілі» газеттері) материалдары негізге алынады. Солай бола тұрса да жазба коммуникацияда еркіндіктер (*визуалды еркіндіктер* деп атауга болады) бар: эксплицитті емес нормаларынан ауытқудың себептері – а) саналы түрде автордың өз нормасын ұсынуы; ә) авторлық орфография; б) терім кезінде кеткен қателіктер. Соңғы техникалық қателіктердің өзі де назарда болуы тиіс.

Беделді басылымдардан іріктелген фактілердің бір тобы төмөндегідей:

– бір мәтінде *көркемсүрет* термині үш түрлі орфограммамен берілген: *көркем сүрет* (бөлек), *көркем-сүрет* (дефис арқылы) және бірге таңбаланған. *Сан салалы, сан алуан, әр алуан, кез келген, алдын ала, дер кезінде, ұланбайтақ, ұлангайыр, ұзынсонар, ұзын-ыргасы, таутұла-га, кісікік* тәрізді сөздер босаралықпен, қосаралықпен немесе бірге жазылған: *Мұлде кісі киік болып кеткен Айбар бұл сөздің астарына үніліп те қарамай...* Оны өзім де білмеймін, ойыма келген *кез-келген* нөмірді тере салдым («Қазақ әдебиеті» газетінен). *Басқосудың уақыты тұра-лы алдын-ала хабарланады* («Айқын» газетінен).

– *айрықша, қайырылу* типтес формалар орфографиялық вариантар түзеді: «*Әпке* деп *қайрылуши* едім («Ана тілі» газетінен). Енді бұл *айрықша* мәселе болып отыр («Қазақ әдебиеті» газетінен);

– *пендеауи; тауысқысыз*: «*Айтарын айтып, жазарын жазып үлгермеди-ау*» дейтін *пендеауи* өкініштің болғаны рас («Ана тілі»

газетінен). *Айбардың сүргұлт жүзіне, түңіліңкі қабагына біраз қарап жатты* («Қазақ әдебиеті» газетінен). Бұларды авторлық орфография ретінде бағалауға болады.

– *ұ, ы, і* дыбыстарына байланысты бірнеше орфограмма орын алып келеді: *Тордың көкмұнар саңлауынан анасының аққұба өңі, әкесінің қарасүр жүзі қылаңыта шалынды. Айбардың сүргұлт жүзіне...* («Қазақ әдебиеті» газетінен).

– *Анам есіктің алдында тұырдық жа-мар отыр екен* («Қазақ әдебиеті» газетінен). Терімнен кеткен олқылық деп бағалаймыз.

Сонымен қатар құнделікті ақпараттар жиынтығының арнасы, тілі мен стилі беделді нұсқалардан айырмаланатын, әлеуметтік топтарға, жастарға, белгілі бір сала мамандарына, ойынсауықты насиҳаттауга арналған түрлі мемлекеттік емес басылымдарда, әлеуметтік желі материалдарында қазақ тіліндегі дыбыстық құбылыстардың (протеза, эпитета, редакция және басқалар) жазуға көшірілуінен де емле мәселелері туындаиды. Бұған *самрұқ, мақлұқ* сияқты сөздер дәлел бола алады. Кең қолданыстағы кірме сөздердің емлесінде, мәселен, қалыптасқан ереже қағидаларынан тыс қолданыстар бар: *штамп – штампты / штампыны; митинг – митингтер / митинглер; бірінши рангілі және бірінши рангылы капитан* дегендемен қатар сөз тіркестерінің сынарларындағы дыбыстың ығыстырылуы (элизия құбылысы): *бара алмаймын – баралмаймын* және сөз соңындағы дыбыстыардың немесе тұтас буынның жұтылуы (аферезис): *деймін – дим; дейді – дид / дейд; барам гой – барам ғо* тәрізділөр тілдің жұмсалымында бар. Сол сияқты *секпіл / сепкіл; айналу / айлану; әпке / әкпе; текпішек / текпішек* сияқты бірнеше орфограммадағы фактілерді кездестіруге болады.

Бұндай жағдайларда кей реттерде «осылай қате жазып жүр» және «бұлардың дұрыс нормасы сөздікте көрсетілген» деген мазмұндағы уәждер айтылады. Эрине, бір қарағанда, тіл жүйесінің заңдылықтарына әсер ететіндегі фактілер емес деп бейтарап қарауға да болады. Осындай фактілер тіл мәдениетінің төмөндеуіне әсер етеді. Заңнамалық құжаттарда лингвистикалық кеңістікте тіл мәдениетін арттыру үшін сейлеу мен жазудың аракатысын анықтаудың аса өзектілігіне мән берілген (Мемлекеттік бағдарлама, 2011). Соңдықтан тіл мәдениетінің бір компоненті ретінде ортологияның теориялық және практикалық мүддесі де, мақсаты да жұмсалымдағы әрбір тілдік бірлікті сарапқа салу арқылы шешіледі.

*Ортологиялық талдау.* Мәселенің тиімді шешілуі үшін ортологиялық талдау жүзеге асырылады.

Ортологиялық талдау терминін лингвистикалық талдаудың бір түрі ретінде ұсынамыз.

Ортологиялық талдау қалай жүзеге асырылады? Тілдік бірліктердің әдеби // әдеби емес, емле нормасы дұрыс / емле нормасы дұрыс емес жайы қалай анықталмақ?

Бұл ретте кешенді сипаттама жасалады: оның бірі – жұмысалымда көрініс берген тілдік бірлікті жеке алып, тілдің жүйесіне, тіл заңдылықтарына қатысын анықтау, екіншісі – тілдік бірліктің қолданысқа түсken себептерін танып-білу. Бұлайша талдау өзара тығыз байланыста. Талдау барысында бірде тілдік бірліктің тіл заңдылықтарына тән сапасы, белгісі ненесе керісінше, қолданыстағы жиілігі басым түсі, тіпті екеуі де тең түсі мүмкін. Талдау кезеңдерінде бір типтес моделдер арасындағы айырмашылықтар, жарыспалы нұсқалар да анықталады.

Зерттеушілердің бірі қызықты пікірін ұсынған: «Сөйлемнің құрамындағы сөзді жұлып алып, оқшаулап, анатомиялық үстелдің үстіне салып қарасақ, сондаған сөздің «тірі» емес екендігіне, денеден ажырап кеткен бір мүшесін сияқты соншалықты қауқарсыз екендігіне көз жеткіземіз» (Касарес, 1958: 64).

Ортологиялық талдау құрылымы жағынан бірдей тілдік бірліктерді бірүлгі моделіне салудың да мүмкін болмайтынын көрсетіп береді. Осылайша ортологиялық талдауды емле нормаларының мәселелерін дәлелдеуді қамтамасыз ететін толыққанды, кешенді лингвистикалық әдіс деп танимыз.

Соңғы жылдардағы жазба нұсқаларда ауыздан-ауызга (*тарау*), жылдан-жылға, құннен-қунге, қолдан-қолға (*тұрмай*), ұрпақтан-ұрпаққа құрылымдары ауыздан ауызга, жылдан жылға, қолдан қолға, ұрпақтан ұрпаққа болып, тіркес түрінде орфографиялық вариантар түзіп, жазылып келеді.

Емле нормасын белгілеу үшін ортологиялық талдау керек болады.

Қолда бар мәтіндердегі жұмысалым жиілігі мен емле сөздіктеріндегі мәліметтер тайталас түседі.

Көркем мәтіндерде:

Сонда *ат-атагы баяғының батырын-дай ауыздан-ауызга тараган ер шопандар қимылы біздің бүгінгей құннің анық аңызына айналған* (М. Әуезов, Алғы шеп). ...*май айының алгашиқы құндері бойында ауыздан ауызга*

көшті (М. Әуезов, Шығ.). Жыл откен сайын қарқындаимыз *жылдан жылға* (І. Жансұғров, Шығ. жин.). Багың *құннен қунге* зияда болсын. *Дәuletің шайқалмасын* (М. Магауин, Аласапыран). *Құннен қунге* дербестігім нығайып, *Тез алсыныш жанталасқан ел демін* (К. Салықов, Жезкик). *Жер жузі жылдан жылға* болды *абат*, *Шөлстан шөп шықпаган* болды *сабат* (Т. Ізтілеуов, Рустем...).

Көсемсөз мәтіндерінде:

Тарихи тұрғыда қалыптасып, *ұрпақтан-ұрпаққа* беріліп отыратын дағдылы қарекет пен мінез-құлық нысандары... («Қазақ әдебиеті» газетінен). Астана *жылдан-жылға, құннен-қунге* көркейіп келеді («Егемен Қазақстан», 14 наурыз, 2011жыл). ...*ұрпақтан ұрпаққа* ми-рас болған үлкен мұра сол халықтың өмірінің мәні болып есептелген жөн-жоралғы, әдем-ғұрып заңдарымен эстетикалық, адамгершілік мұраттары болып табылады (Каз. дала. ойшыл.). Қазақ дәстүрі *ұрпақтан-ұрпаққа* жалгасса лазым («Қазақ әдебиеті» газетінен).

Ресми мәтіндерде:

...*ұрпақтан ұрпаққа* берілетін және материалдық емес мәдени құндылық болып табылатын салттар, түсініктер мен пайымдардың нысандары (Материалдық емес мәдени мұра туралы ереже).

Сөздік-2 және Сөздік-3-те көрсетілген күрделі сөздер қосаралықпен, дефис арқылы берілген.

Фактілер орфографиялық вариантардың бар екендігін айғақтайды. Талданып отырган тілдік бірліктердің босаралықпен немесе қосаралықпен жазылуының сандық деңгейі де теңбе-тенге жуықтайды. Бұл ретте күрделі сөздерді лингвистикалық тұрғыдан және қолданыс жиілігі тұрғысынан, яғни жеке-дара бөліп алып, қолданыстарын жинақтап, және бір-бірімен салыстыру арқылы талдаудың қажеттілігі туындаиды.

Босаралықпен жазылуын бекітуге уәж – осы тілдік бірліктерді фразалық тіркес деп тану. Рас, түркітану бойынша құнды еңбек – «Қазақ тілінің фразеологиялық сөздігінде» ауыздан ауызга *тарау*, қолдан қолға өту фраза ретінде тіркелген (Кеңесбаев, 1977: 42).

Бірақ Сөздік-1-ден бастап (1957 жылғы сөздік) қосаралықпен жазу нормасы белгіленген. Тегінде, *ауыздан-ауызга* (*тарау*), жылдан-жылға, құннен-қунге, қолдан-қолға (*тұрмай*), ұрпақтан-ұрпаққа моделі осы қатарлармен шектелді, жинақтауды, мөлшерлеуді, іс-қимылдың сатылана өтетіндігін білдіретін семантикалық тұтастыққа ие, бір лексема біртұтастықта

қайталанып жұмсалады, *көзден-көзге, тәулік-тен-тәулікке* немесе *перзенттен-перзентке, сағаттан-сағатқа* құрылымдары жоқ.

Жазу практикасы, емле нормаларын анықтаудың қолданыс жиілігі межесінен өткізу талданып отырған тілдік бірліктердің қосаралықпен, дефис арқылы жазылуының басымдығын көрсетеді. Бұл ретте қос сөз категориясының сипаттамасы ілгері шығады. Белгілі ғалым, профессор А. Ысқақов бір сөздің қайталануы арқылы жасалатын қайталама қос сөздің қатарында қосымшалы қос сөз терминін қолданады (Ысқақов, 1974: 113). *Ауыздан-ауызга (тарау), жылдан-жылға, күннен-күнге, қолдан-қолға (тұрмай), ұрпақтан-ұрпақта, тектін-текке, бостан-босқа, құрдан-құр және қолма-қол, ауызба-ауыз, сөзбе-сөз, көзбе-көз, бетпе-бет, жұзбез-жұз, жылма-жыл, жолма-жол* қосымшалы қайталама қос сөздердің парадигмалық түзімін құрайды. Сөз ретінде айта кетелік, қосымшалы қайталама қос сөз құрамындағы -ба, -бе, -ма, -не тұлғаларының мағыналары анықтала қоймаган.

Қазіргі ресми-іскери және көсемсөз мәтіндерінде *кезкелген // кез-келген, алдын-ала // алдын ала, сан салалы // сан-салалы* орфограммалары жиі кездеседі. Бұлайша болудың бір себебі – түптөркіні бөлек жазылатын тіркес болғанымен, көптеген тіркестер бір ыргақпен, өзара үлесіммен айтылады, ыргақпен айтулына сөздің құрамындағы бірыңғай, өзара үндесетін дыбыстар, буындар себепкер болады. Айтылымның және перцепцияның осы ықпалы жазу дағдысына әсер етеді, сөйтіп, осы ықпалдан түптөркіні тұрақты тіркес болғандардың өзі қосаралықпен немесе бірге жазыла бастайды. Беделді нұсқалардағы қолданыс жиілігі мен тіл зандаулықтарының өзара сабактастықта саралануы арқылы емле нормасы қалыптасады.

1978 жылғы Емле сөздігінен (Сөздік-1) бастап қазақ сөзінің түбір күйінің, грамматикалық түрленімінің орфографиялық нормасында тұрақтылық бар. Бұл қазақ орфографиясы принциптерінің ғылыми тұрғыдан дұрыс тандалғанын дәлелдейді.

Бұдан кейінгі жылдарда жазба нұсқалар және Сөздік-2 мен Сөздік-3 арасындағы әртүрлі орфограммалар латынграфикалы әліпби негізінде жасалатын Емле сөздігін (Сөздік-4) түзуде ортологиялық талдаудан өтеді.

Жазу практикасында кездесетін, *епті* түбіріне мағыналас *епсекті // ебсекті, епетейлі // ебдейлі, ебедейсіз // епетейсіз // ебдейсіз, ептеілік* тұлғаларының баршасы да сөздікке ену керек пе немесе олардың бірін норма деп тану

жайы ортологиялық талдау арқылы дәлелденеді. Тағы да *алақанат (қар), алабөтен (болу), көк ет // көгет, күн ара // күнара; күн ұзын // күнұзын, күнұзаққа, күн шуақ // күнишақ* Сөздік-2-де бөлек таңбаланып, Сөздік-3-те бірге жазылуын, сондай-ақ *ғапіл // ғапіл, қадім // қадым, қадір // қадыр, күшала // күшала, нағіл // нағіл* тәріздес араб-парсылық сөздердің орфограммасы осы әдіс арқылы реттеле түседі. Жазба нұсқалардағы *негып, негылган (негып жүрсіз; негылган адам)* тұлғаларының орфограммасы Сөздік-2-ден бастап әр басқа. Алғашқы сөздікте не қылып формасы ұяда берілген болса, Сөздік-3-те бұлардың екеуі де тіркелмеген. 15 томдық сөздіктер *негып (соғыл.)* белгісі арқылы берілген *негылган* сөзі әліпби ретінде жоқ. Алайда жазба тіл осы тілдік бірліктердің жиі қолданысын көрсетеді. Бір ғана мысал:

*Ескілік, жаңалықтың арасымын. «Аталсан ауылыңмен» деген мақал, Бұзайын елдің **негып рәсімін** (Б. Майлин, Таңд. шығ.). Аршалы сай!* **Негылган** көркем едің! Сол түні неге мені ортремедің? (М. Мақатаев, Өлеңдер жинағы).

Екі буынды түбір сөздің соңғы буынныңдағы /ы/ және /и/ дыбыстарының емлесі Сөздік-1-ден бастап ортологиялық кодталған, ортологиялық қалыптанған. Емле нормаларының күллі түркітану бойынша алғашқы және ғажап үлгісін жасаған академик Р. Сыздықтың 1959 жылғы тұнғыш Анықтағышында бірқатар сөздер тәуелденгенінде, [ы], [и] дыбыстарының сақталатын тұстары және сусып түсіп қалатыны емле тұрғысынан кодталған. Емледегі осы дәстүрлі принцип Сөздіктердің кейінгі жарияланымдарында сақталып келеді және жазу дағдысында да орнықкан: *көрік >< көрігі*, бірак: *көркі; ойын >< ойыны, бірақ: ойнау; қорық >< қорығы, бірақ: қорықты >< қорқақ / қорқыныш*. Соңғы буынныңда [ы] және [и] дыбыстары бар *тегеуірін, жасырын, ықылым, қарауыл* тәрізді үш немесе көп буынды сөздердің емлесінде киындықтар кездеспейді. 1983 жылғы Емле ережелерінде де бұл ерекшелік жеке тармақта нақтыланған.

Салыстырылған фактілер арқылы орфографиялық норманы қалыптастыруда жазба нұсқалардағы қолданыстың маңызды екендігі анықталады. Дегенмен Емле сөздіктерінде сөздің түбір қалпын көрсету, сөздің түбірін сақтау міндетті. Осылайша сөздің түбір қалпы мен қолданыстағы өзгерісі арасында кейде тепе-тендік, кейде теңсіздік пайда болады. Сөздің түбірі мен сөз түбіріндегі дыбыстардың сусып түсіп қалуынан пайда болған орфограммалың

қолданыс жиілігіне қарай кейде жарыспа нұсқалар пайда болады. Бұл – бірте-бірте жүретін үдерістердің бірі. Сөз ретінде айта кетелік, әлемдік ғылымдағы эволюция және даму (развитие) терминдері өзара мағыналас болғанымен, ғалымдар оларды ажыратады: эволюция – тілдегі түбекейлі өзгерістер деген сөз, ал даму тілдің қолданысындағы жаңа сипаттардың басымдық таныта келе, ауызша тіл мен жазба тілдің дағдысына, нормасына айналуын білдіреді (Рождественский 1990).

Сөздік-3-те *аулы ж.* *ауылы, аузы ж.* *ауызы, даусы ж.* *дауысы* қатарларының тіркелуі қолданыс жиілігіне байланысты.

Тілдік бірліктердің қолданыс жиілігін ескере отырып, ортологиялық талдау жасау Емле сөздігінің қатарын түзетін сөздердің нормативтік, ақпараттық, стилдік, кей реттерде эстетикалық межесін дәл сараптауга мүмкіндік береді.

*Тілдік бірліктерді біріздендіру межесі немесе жүйелілік принципі.* Емле сөздігіне енгізілетін тілдік бірліктерді жүйелуе ұстанымы – маңызды принциптердің бірі. Бұл принцип Сөздіктің құрамы мен құрылымын жүйелуе арқылы анықталады.

Сөздіктің құрамы мен құрылымы жөніндегі ақпарат, әдетте, Сөздіктің Алғысөзінде беріледі. Алғысөз негізінде Сөздік түзілген кезеңде әдеби норманың қалай және қай деңгейлерде қалыптасқаны және қалыптану үдерістеріне ыңғайланған тілдік бірліктердің сипаты еркін түрде баяндалады. Сөздік-2 нұсқасында сөздіктің құрылымы сөз таптарына қарай жүйеленіп көрсетілген. Осындағы нақтылық сол кезеңде маңызды еді, өйткені әсіресе сөзтудырушы қосымшалардың өнімділігі, магына ажырататын қызметі молайған тұста, бірге немесе бөлек жазылатын құрделі сөздердің орфографиялануының түйінді жайттары анықтала бастаған кезде, жазуда байқалған көптеген проблемаларды талдап, түсіндіріп берудің бірден-бір қолайлы жолы осы болды. Сондықтан, айталық, Сөздік-2-нің Алғысөзінде *-ши*, *-шилық* қосымшалары арқылы жасалған, лексикалық мағынаға ие болған *агартушы*, *агартушылық* деген сөздердің тіркелетіндігі, ал *қабылданушы* немесе *қабылданушылық* дегендердің сөздікке енгізілмеуінің себептері түсіндірілген. Сондай-ақ етістіктің етіс формаларының да Сөздік-1-ге енетіндері және тіркелмейтін формалары әбден анықталған: *қуанут* түбірі арқылы жасалғандардың қатарында *қуанту*, *қуанысу* тұлғалары үлгі ретінде алынған, ал етіс форманттарының

одан әрі сатылана жалғануында (*қуандырту*, *қуантызыу*) емле проблемасы болмағандықтан, сөзтізбе қатарында берілмейтіндігі көрсетілген. Осылайша жүйелену кейінгі емле сөздіктерінде біршама реттерде назарда болды.

Сөздік-3-тің Алғысөзінің құрамы мен құрылымы басқаша мазмұнда. Бұл – занды да, өйткені Сөздік-2-де сұрыпталып берілген тілдік бірліктердің нормасы мейлінше нақты болса, соңғы басымда жазу практикасында пайда болған емле нормасына қатысты құрделі тұстарды және еңбектің 2005, 2007-жылдардан кейінгі толықтырылу, түзетілу себептерін егжай-тегжайлі баяндау мақсаты бар. Сөздік-3-тің алтыншы басымының мақсаты «әдеби тілдің толық корпусын жасау, осы себепті тілдің бүгінгі тынысын тап басатындей, тілдің ішкі құрылымындағы өзгерістер мен қоғамдағы әртүрлі жаңалықтарды көрсететіндей болуы» ескерілгендігі айтылған (Орфографиялық сөздік, 2013). Сөздікке осы аталғандармен қатар жаңадан пайда болған терминдер мен сөз тіркестері, көне, есқі кітаби сөздердің дұрыс жазылу емлесі жинақталған. Бірге және бөлек жазылатын сөздер тобы толықтырылып, реттеле түсken. Алтыншы басымының құнды жақтары бұлармен де шектелмейді.

Тілдегі жаңа сөздердің нормалануын көрсету (*галамтор*, *айқұлақ*, *ықпалшара*), әлеуметтік мәні жогарылаған діни лексиканың топтастырылуы (*аятолла*, *ғұсыл*, *ифтар*), терминжасам жүйесінің қазақыландырылуына байланысты молайған стандарт тілдік бірліктердің (*зейнетақы қоры*, *геосаяси тұзілім*, *енишес компания*) енгізілуі әдеби тілдің корпусын қалыптастырғанына дәлел.

Ал емле мәселесіне келгенде, Сөздік-3-тің құнды жақтарының бір тобы – орфограммасы әртүрлі, емлесінде қызындықтар бар тілдік бірліктердің – көне, есқі кітаби сөздердің, бірге және бөлек жазылатын сөздердің (*қолорамал*, *беторамал*, *асқасық*) толықтырылуы және реттелуі, жарыспалы қатарлардың (*адал // халал*; *уәде // уағда*; *әкім // хакім*) арнаулы стильдік белгілермен саралануы.

Академик Р. Сыздық Емле сөздігінің әр басымы сайын, әр басымының алғысөзінде сөздіктің құрылымы мен құрамын жетілдірудің, толықтырудың, түзетулер енгізуіндегі қажет екендігінәрдайым айтқан. Сөздіктің жетілдіріліп, жаңартылып, түзетілгеніндегінің басты себептерінің бірі – жазу практикасындағы жаңа құбылыстарды ескеруге байланысты. Жаңарту мен жетілдіруді әдеби тілдің қолданысынан ене

бастаған жаңалықтарды лұғатсөзге іріктең қосу, алдыңғы басылымдарда тіркелген, бірақ қоғам өзгерістеріне қарай актуалдылығын азайтқан, орфограммасында қиындықтар жоқ тілдік бірліктерді сараптау деген түсінікке саяды. Ал түзетулер дегеніміз әредік орфограмаларды, айталық, дыбыстық алмасу құбылыстарын, бірге және бөлек жазылатын сөздердің емлесін біріздендіру ісімен байланысты. Жетілдіру де, жаңартулар мен түзетулер де Сөздіктің құрамын түгелдей өзгерту дегенді білдірмейтінін атап айтуда керек. Қазақ тілі емле сөздігінің құрамына енген лексемалар – алғашқы басылымдарынан бастап-ақ тілдің ішкі зандылықтарына сәйкес іріктелген, жазу практикасында емлесі қалыптасқан, тәжірибеден өткен тілдік бірліктер. Дегенмен кей реттерде тілдік бірліктердің емлесін қайта қарау қажеттігі туындаиды. Мәселен, 1959 жылғы Анықтағыштың бірінші нұсқасында академик Р. Сыздық ауыл шаруашылығы терминінің бөлек жазылатындығын, тұтас бір мағынада анықтауыштық қызметке ауысқанда да бөлек, бірақ ауыл шаруашылық артелі болып, тәуелдік формасының түсін қалатындығын норма ретінде қалыптастырған болатын. Осы қағида Сөздік-2-де сақталған, Сөздік-3-те орфограмма өзгерген: *ауылшаруашылығы* және *ауылшаруашылық* формасы ұсынылған. Соңғы басылымдағы осы өзгерістің дәйекті, объективті себебі жазу практикасында қалыптаса бастаған емлеке қатысты болды. Ал жазу практикасында осылайша бірге жазылуына себепкер болған фактордың негізгі – сыртқы (бөгде) қолданыс зандылықтарының ықпалы, ғылым мен техника салаларының атальымдарының өзге тілдің құрылымын сақтап аударылуы (*сельскохозяйственные продукты*; бұл себепшіге көптеген мысалдар бар). Келесі фактор терминжасамның негізгі ұстанымдарының бірі ықшамдылыққа байланысты, осыған қатысы бар тағы бір себеп – жазу практикасы құрделі сөздерді бірге жазуга басымдық беріп келеді. Сонымен қатар -лық (варианттарымен қоса алғанда) форманты жинақтау, ықшамдау қызметтін атқарады.

Осы жайттарға жүргізілген ортологиялық талдау арқылы *ауыл шаруашылығы* изафет тіркес ретінде бөлек таңбаланатындығы (*ауыл шаруашылығына жас мамандар керек*); ал құрделі анықтауыш ретінде бірге жазылатындығы (*ауылшаруашылық өнімдері*) Емле сөздігінің келесі басылымындарында қалыптандырылады. Байыргы, дәстүрлі норма мен «жас» норманың арасындағы айырмашылықты салыстыру, ортологиялық талдау, жазу дағды-

сын ескеру нәтижесінде емле нормасы жетіледі, жаңартылады және түзетіледі. Бұл ретте біз екі мәселеге: а) емле нормаларының қоғам дамуының кезеңдеріне қарай жетіле түсетіндігіне және ә) нормалану үдерістерінде тілдің ішкі зандылықтарын таяныш ететін дәстүрлі емле нормалары мен тілде жүріп жататын сипаттарды көрсететін жазу практикасында макұлданған, кодификациялана бастаған (қолданыс жиілігі жоғары) нормалық белгілердің арақатынасын анықтаудың маңыздылығын тағы бір мәрте атап өтеміз. Тіпті емле нормаларын белгілеуде соңғысы басымдық беретін фактілер жиі кездеседі. Жетілдіру мен түзетулер лұғатсөздің ұясында да де жүргізіледі.

Сөздіктің құрамын толықтыру да маңызды. Мәселен, келесі басылымдарда *ақжарылқан* (заман), *рамазан* (ай атавы), *құстаңдай* (ою), *қараторы* (тұс) лексемаларымен қатар Э. Кекілбаев, М. Мағауин сынды қаламгерлердің тарихи тақырыпқа арналған шығармаларда кеңінен жүмсалған *алашибегі*, *ұлысбекі* тәріздес сөздерді, *ақпар кесе* (жерг.), *аударматану* (терм.) дегендерді сөзтізбеке енгізу керек болады, Сөздік ғылым мен техникадағы, оку-ағарту салаларындағы жаңа терминдермен, актуалды кірме сөздермен толықтырылады.

*Емле сөздігінің құрамы*. Емле сөздігі – әдеби тілдің құрамындағы тілдік бірліктердің көрсеткіші. Ал әдеби тілдің құрамындағы тілдік бірліктерді шартты түрде түрде бірнеше топқа бөлуге болады. Олар:

- жергілікті тіл ерекшеліктері және кәсіби лексика;
- тілдегі жаңалықтар / жаңа сөздер / жаңа қолданыстар;
- терминдер және кірме сөздер.

Топтастырылған қабагтардың қай-қайсысында лұғатсөз қатарына іріктеу, орфографияға қатысты басқа да ғылыми-көпшілік мазмұндағы пікірлерден нормативтік сөздіктің құрылымы мен құрамына қатысты пайдалы ұсыныстарды кездестіреміз. Емле сөздігін түзудің де озық тәжірибесі бар, есіресе Сөздіктің соңғы басылымы тілдамуының синхрониясы мен диахрониясы-

## Корытынды

Қазақ тілтанымында қазақ лексикографиясының негізгі бағыттары тиянақты зерделенген. Зерттеу қорытындыларынан, орфографияға қатысты басқа да ғылыми-көпшілік мазмұндағы пікірлерден нормативтік сөздіктің құрылымы мен құрамына қатысты пайдалы ұсыныстарды кездестіреміз. Емле сөздігін түзудің де озық тәжірибесі бар, есіресе Сөздіктің соңғы басылымы тілдамуының синхрониясы мен диахрониясы-

нан, орфографиялық өзгерістерден мол мәлімет беруі жағынан аса құнды. Алайда сөздікке практикалық, аналитикалық талдау үдайы жүргізіліп отыrsa, жалпы тіл дамуына тән мөдделдер, ерекшеліктер жинақтала түсетіні, ал бұл теориялық талдауларға тиімді ықпал жасайтыны, демек, ғылыми тұжырымдардың қалыптасуы тіл жүйесіндегі, сөйленіс жүйесіндегі белгілі бір кезеңдердегі басты сипаттарды танытуға ықпал жасайтыны сөзсіз. Емле сөздігінің құрылымы мен құрамына қатысты баяндалған жайттар нормативтік сөздіктің теориялық мәселелерінің баршасын дерлік анықтап берді деуден аулақпаз. Көздегеніміз – Академик Р. Сыздықтың «нормативтік сөздік үшін әрдайым жетілдіру, түзету, біріздендіру ісі маңызды» деген мазмұндағы ұлағатты сөзін басшылыққа ала отырып, қоғам сұранысына сәйкес келетін, жоғары деңгейдегі лексикографиялық енбектің айрықша түрінің – Емле сөздігінің кемелдене тусуіне улес қосуы. Сөздіктің қай түрі үшін болмасын, ғылым

мен жазу және қолданылу дағдысының тығызы сабактастығына негізделетін ортологиялық талдау жүргізу аса маңызды. Бұл лингвистикалық әдіс тілтанымның әр саласының мамандарының бірлесе атқарған жұмысының нәтижесінде ғана тиімді бола алады.

Ғылыми зерттелген, тіл қолданысы мен тіл жүйесінің өзара қатысы, тілдің даму сипатына тән өзгерістер сарапталған жұмыстың нәтижесі – нормативті Емле сөздігі салалық, терминологиялық, екітілді, аспекттілік және білім беру салаларына арналған сөздіктердің құрылымына, жүйеленуіне, тілдік бірліктердің нормалануына негіз болады.

Мақала бағдарламалық-нысаналы қаржыландыру аясындағы OR11465483 «Мемлекеттік тілді латынграфикалы ұлттық әліпбіге көшіруді қамтамасыз ететін жаңартылған нормативтік сөздіктер мен академиялық басылымдар сериясын әзірлеу» деп аталағын ғылыми бағдарлама жоспарына сәйкес әзірленген.

### Әдебиеттер

- Морковкин В.В. Типология филологических словарей // *Vocabulum et vocabularium*. – Вып. 1. – Харьков, 1994. – С. 13-23.
- Лейчик В.М. Опыт построения классификации терминологических словарей // Теория и практика научно-технической лексикографии. – Москва., 1988. – С. 41-46.
- Апресян Ю.Д. Образ человека по данным языка: попытка системного описания // Апресян Ю.Д. Избранные труды. Интегральное описание языка и системная лексикография. – Москва: Школа «Языки русской культуры», 1995. – С. 348-389.
- Oxford English Dictionary // Википедия. – URL: [https://en.wikipedia.org/wiki/Oxford\\_English\\_Dictionary](https://en.wikipedia.org/wiki/Oxford_English_Dictionary)
- Қазақ әдеби тілінің сөздігі. 1 т. – Алматы, 2011. – 752 б.
- Малбақов М. Қазақ тілі түсіндірме сөздігінің құрылымдық негіздері: филол. ғыл. док. ... дисс. – Алматы, 2003. – 290 б.
- Гак В.Г. Лингвистические словари и экстралингвистическая информация // Вопросы языкоznания. – №2. – 1987. – С.3-16.
- Гак В.Г. О некоторых закономерностях развития лексикографии // Актуальные проблемы учебной лексикографии. – Москва, 1977. – С.11-27.
- Хусайнова Л.М. Принципы составления орфографических словарей башкирского языка // Вестник Оренбургского государственного университета. – №7(207). – 2017. – С.62-66.
- Сагынбаева Б., Сулейманова Н. Азыркы қыргыз тилиндеги көп кетирилген каталардың типтері жана түрлөру // *Manas Sosyal Arastirmalar Dergisi*. – Vol.4. – Iss.5. – 2015. – Б. 118-134
- Апресян Ю.Д. Лексикографическая концепция НБАРСа // НБАРС. – Т.1. – Москва, 1993. – С.6-17.
- Қазақ тілінің орфографиялық сөздігі. – Өнд., толықт., 3-бас. – Алматы: Қазақ ССР Фылым ақад. Тіл білімі институты, 1988. – 400 б.
- Караулов Ю.Н. Русский язык и языковая личность. – Изд 7-е. – Москва: Издательство ЛКИ, 2010. – 264 с.
- Үәли Н. Қазақ графикасы мен орфографиясының теориялық негіздері. – Алматы: Арыс баспасы, 2020. – 181 б.
- Сыздық Р. Тілдік норма және оның қалыптануы (кодификациясы). – Астана: Елорда, 2001. – 230 б.
- Қазақстан Республикасындағы Тілдерді колдану мен дамытудың 2011-2020 жылдарға арналған мемлекеттік бағдарламасы // Қазақстан Республикасы Президентінің 2011 жылғы 29 маусымдағы № 110 жарлығымен бекітілген. – URL: <http://adilet.zan.kz/kaz/docs/U1100000110>
- Касарес Х. Введение в современную лексикографию. – Москва: Издательство иностранной литературы, 1958. — 355 с.
- Кеңесбаев С. Қазақ тілінің фразеологиялық сөздігі. – Алматы: Қазақ ССР-інің «Ғылым» баспасы, 1977. – 712 б.
- Ысқақов А. Қазіргі қазақ тілі: жоғарғы оку орындарының филология факультеттеріне арналған оқулық. – Алматы: «Мектеп» баспасы, 1974. – 407 б.
- Рождественский Ю.В. Лекции по общему языкоznанию. – Москва: Высшая школа, 1990. – 381 с.
- Орфографиялық сөздік. Алтыншы басылым / Құраст.: Н. Үәли, Қ. Қудеринова, А. Фазылжанова, Ж. Исаева, Н. Әміржанова, А. Әмірбекова. – Алматы: «Дауір» баспасы, 2013. – 720 б.

### References

- Apresyan D. (1993). Leksikograficheskaya konsepsiya NBARS [Lexicographic concept of NBARS] // NBARS. Vol.1. Moscow. 1993. P. 6-17. (in Russian)
- Apresian U.D. (1995). Obraz cheloveka po dannym iazyka: popytka sistemnogo opisania [The image of a person according to language data: an attempt at a systematic description]. Izbrannye trudy. Integralnoe opisanie iazyka i sistemnaia leksikografia [Selected Works. Integral description of the language and systemic lexicography]. Moscow. 1995. P. 348-389. (in Russian)
- Gak V.G. (1977). O nekotorykh zakonomernostyakh razvitiya leksikografii [On some patterns of development of lexicography]. Aktualnye problemy uchebnoi leksikografii [Actual problems of educational lexicography]. Moscow. 1977. P. 11-27. (in Russian)
- Gak V.G. (1987). Lingvisticheskie slovari i ekstralingvisticheskaya informatsiya [Linguistic dictionaries and extralinguistic information]. Voprosy iazykoznanija [Questions of linguistics]. Iss. 2. 1987. P. 3-16. (in Russian)
- Husainova L.M. (2017). Prinsipy sostavleniya orfograficheskikh slovarei bashkirskogo iazyka [Principles of drawing up spelling dictionaries of the Bashkir language]. Vestnik Orenburgskogo gosudarstvennogo universiteta [Bulletin of the Orenburg State University]. Iss. №7(207). 2017. P. 62-66. (in Russian)
- Karaulov U.N. (2010). Russkii iazyk i iazykovaya lichnost [Russian language and linguistic personality]. 7<sup>th</sup> edition. Moscow. 2010. 264 p. (in Russian)
- Kasares X. (1958). Vvedenie v sovremennu leksikografi [Introduction to modern lexicography]. Moscow. 1958. 355 p. (in Russian)
- Kenesbaev S. (1977). Qazaq tilinig frazeologialyq sozdigi [Phraseological dictionary of the Kazakh language]. Almaty. 1977. – 712 p. (in Kazakh)
- Leichik V.M. (1988). Opyt postroenija klassifikacii terminologicheskikh slovarej [Experience in constructing a classification of terminological dictionaries]. Teoria i praktika nauchno-tehnicheskoi leksikografii [Theory and practice of scientific and technical lexicography]. Moscow. 1988. P. 41-46. (in Russian)
- Malbaqov M. (2003). Qazaq tili tusindirme sozdiginig qurylymduq negizderi [Structural bases of the explanatory dictionary of the Kazakh language]: doctor diss. Almaty. 2003. 290 p. (in Kazakh)
- Morkovkin V.V. (1994). Tipologija filologicheskikh slovarej [Typology of philological dictionaries]. Vocabulum et vocabularium. Vol.1. Harkov. 1994. P. 13-23. (in Russian)
- Orfografiyalq sozdik (2013). [Spelling dictionary]. 6<sup>th</sup> edition. Almaty. 2013. 720 p. (in Kazakh)
- Oxford English Dictionary // Vikipidija. – URL: [https://en.wikipedia.org/wiki/Oxford\\_English\\_Dictionary](https://en.wikipedia.org/wiki/Oxford_English_Dictionary) (in English)
- Qazaq adebi tilinig tusindirme sozdigi [Dictionary of the Kazakh literary language]. Vol.1. Almaty. 2011. 752 p. (in Kazakh)
- Qazaq tilinig orfografiyalq sozdigi (1988). [Spelling dictionary of the Kazakh language]. 3th edition. Almaty. 1988. 400 p. (in Kazakh)
- Qazaqstan Respublikasyndagi tilderdi damyu men qoldanudyn 2011-2020 jyldarga arnalgan memlekettik bagdarlamasy (2010) [State program for the development and functioning of languages in the Republic of Kazakhstan for 2011-2020]. Qazaqstan Respublikasy Ukimetining 2010 jylgy 29 qazandagy No 1128 qaulysy [resolution of the Government of the Republic of Kazakhstan dated October 29, 2010 No. 1128]. 2010. Retrieved from <http://adilet.zan.kz/kaz/docs/U1100000110> (in Kazakh)
- Rojdestvenskii V. (1990). Leksii po obemu iazykoznanii [Lectures on General Linguistics]. Moscow. 1990. 381 p. (in Russian)
- Sagynbaeva B. (2015), Suleimanova N. Azyrky kyrgyz tilindegi kop ketirilgen katalardyn tipteri jana tirloru [Types and forms of common mistakes in the modern Kyrgyz language]. Manas Sosyal Arastirmalar Dergisi. Vol.4. Iss.5. 2015. P. 118-134. (in Kyrgyz)
- Syzdyq R. (2001). Tildik norma Jane onyg qalyptanuy (kodifikasiyas) [Language norm and its formation (codification)]. Astana. 2001. 230 p. (in Kazakh)
- Uali N. (2020). Qazaq grafikasy men orfografiyasynyg teoriyalq negizderi [Theoretical bases of Kazakh graphics and spelling]. Almaty. 2020. 181 p. (in Kazakh)
- Ysqaqov A. (1974). Qazirgi qazaq tili: joğarğı oqu oryndarynyň filologija fakultetterine arnalğan oqulyq. – Almaty: «Mektep» baspasy, 1974. – 407 b. (in Kazakh)